



Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonCommercial
3.0 Unported (CC BY-NC 3.0) license.**

Դու կարող ես.

պատճենել և տարածել նյութը ցանկացած ձևաչափով կամ կրիչով
ձևափոխել կամ օգտագործել առկա նյութը ստեղծելու համար նորը

You are free to:

Share — copy and redistribute the material in any medium or format

Adapt — remix, transform, and build upon the material

257 1478
Յօգուտ Զուչուայ Որբանոց-Դպրոցի.

01 MAR 2007
09 FEB 2007
Արամյ.

Արամյ

ԺՈՂՈՎՐԴԱԿԱՆ
ԸՆՏՐՈՒԹԻՒՆՆԵՐԻ
Մ Ա Ս Ի Ն

Ազատ փոխադր. ուստերնից
ԶԼԻՆ ՎԱՐԴԱԳԵՏ

Բ Ա Գ Ո Ւ
Տպարան Եղբ. Ղազարեանների

1906.

342
ժ-84

34503

12 5 APR 2013

Հայաստանի Հանրապետության Կրթության նախարարության Գրադրամատերության Գրքերի Կենտրոն

3424

Յոզուա Զուչուայ Որբանոց-Դպրոցի.

ժ-84



300
~~1250~~ - 94

ԺՈՂՈՎՐԴԱԿԱՆ

ԸՆՏՐՈՒԹԻՒՆՆԵՐԻ

Մ Ա Ս Ի Ն

S+15
Hx. 6

1003
11679



8 t

Բ Ա Գ Ո Ւ
Տպարան Եղբ. Ղազարեանների
1906.

ԺՈՂՈՎՐԴԱԿԱՆ ԸՆՏՐՈՒԹԻՒՆՆԵՐԻ

Մ Ա Ս Ի Ն

Ինչպէս յայտնի է հայ հասարակութեան ազգիս Վեհափառ Հալրապետի մալխի 10-ի և յունիսի 7-ի սրբատառ կոնդակով վերականգնուած է մեր ժողովրդական եկեղեցւոյ ընտրողական իրաւունքը: Բայց քանիսի համար պարզ և հասկանալի է, թէ ինչպէս պիտի կատարուին ընտրութիւնները: Ի նկատի ունենալով անցեալում եղած ընդհանրապէս անկանոն, անզոյն և կամայականութեանց զոհ դարձած ժողովները, ապագայում այդ տեսակի չարիքներից խուսափելու համար, աննպատակ չենք համարում գէթ հարևանցօրէն և համառօտ կերպով ծանօթացնել հայ հասարակութեան աւելի ազատ և լուսաւոր երկրներում կատարուող ընտրութեանց մասին: Որովհետև իսկապէս հնարաւորութիւն չկայ բոլոր քաղաքացիներին և գիւղացիներին ի մի հաւաքելու և միասին խորհելու ազգային կամ հասարակական խընդիրների մասին, ընդունուած է երկիրը բաժանել շրջանների և ամէն մի շրջանում կատարել ներ-

կայացուցիչներն ընտրութիւնները և այդ զանազան շրջաններից ընտրուածներին էլ ի մի հաւաքելով կազմել այսպէս կոչուած ներկայացուցչական կամ պատգամաւորական համաժողովը, որը և պէտք է խորհէ ժողովրդի կարիքների մասին, որոշ կարգ ու կանոն սահմանէ և հետևի, որ այդ կարգ ու կանոնը կեանքի մէջ չ'մնայ «ձայն բարբառոյ յանապատի»:

Ժողովրդական պատգամաւորական ընտրութիւնները կատարուած են տարբեր ձևերով: Եթէ բոլոր մարդիկ միմիանց նման մտածէին և նոցա կարիքներն ու շահերը միատեսակ լինէին, այն ժամանակ գործը կ'հեշտանար. ամէնքն էլ կ'աշխատէին ընտրել ամէնաընդունակ և խելօք մարդուն. բայց այսպէս չէ իրականութիւնը: Ժողովուրդը իւր մտաւոր և տնտեսական շահերի տեսակէտից բաժանուած է դասակարգերի. օրին. գիւղացիութիւն, բանւորութիւն, երկրագործներ, աստիճանաւորներ, գործակատարներ, վաճառականներ, ազատ զբաղմունք ունեցողներ (իրաւաբան, բժիշկ, ուսուցիչ). իւրաքանչիւր դասակարգն էլ ունի իւր եկամուտի տարբեր ազբիւրն ու ապրելու եղանակը: Բանւորն ապրում է իւր ճակատի հալալ քրտինքով: Գործարանատէրերը, վաճառականներն իրենց եկամուտով կամ աշխատանքով. ազատ զբաղմունք ունեցողներն իրենց ռոճիկով կամ վարձատրութեամբ և այլն: Դասա-

կարգային այս շահերն ահա, ինչպէս տեսնուած ենք, ոչ միայն տարբեր այլ և հակառակ են միմիանց. ուստի և լաւ չէ, որ բանւորի համար ընտրուի գործարանատէրը, իսկ գիւղացու համար կալուածատէրը, որովհետև գործարանատէրն ու կալուածատէրը որպէս պատգամաւորներ ըստ մեծի մասին կ'պաշտպանեն ոչ թէ ժողովրդի այլ իրենց դասակարգային շահերը: Ժողովրդական ընտրութիւնները ճշմարիտ և արդարացի գարձնելու համար, անհրաժեշտ է վերականգնել ընդհանուր քաղաքացիների կատարեալ հաւասարութեան իրաւունքը. հարկաւոր է, որ բոլոր չափահաս քաղաքացիներն էլ 20 կամ 21 տարեկանից սկսած տղամարդ թէ կին ունենան ժողովներին կամ ընտրութիւններին մասնակցելու հաւասար իրաւունք (ի բաց առեալ հոգեկան հիւանդները և այլն) ունեւոր թէ չունեւոր, գրագէտ թէ անգրագէտ ունենան մի մի ձայն... հարկաւոր է պարզ որոշել թէ քանի հոգու կամ քաղաքացու կողմից պէտք է մի պատգամաւոր ընտրուի և ամէն մի նոր ընտրութեան ժամանակ թիւրիմացութիւններից խուսափելու համար, անհրաժեշտ է ըստ կարելուցն ճիշտ հաշուել իւրաքանչիւր շնջանի բնակիչների աւելացած ու պակասած ձայնաւոր քաղաքացիների կամ ծխականների թիւը: Ժողովրդի համար շատ կարևոր է իմանալ, թէ ինչպէս պէտք է կատարէ ընտրութիւնները, որ իւր ձայնը կարողանայ քիչ թէ շատ

լսելի դարձնել: Ես կ'ընչեմ այստեղ ընտրութեանց այն եղանակը, որն արդէն լուսաւորեալ երկրներում ընդունուել և գործադրուում է. այդ այսպէս կոչուած ԸՆԴՅԱՆՈՒՐ, ՀԱԻԱՍՍԱՐ, ՈՒՂՂԱԿԻ կամ ԱՆՄԻՋԱԿԱՆ և ԳԱՂՏՆԻ ընտրողական իրաւունքի սկզբունքն է: ԸՆԴՅԱՆՈՒՐ է կոչուում ընտրութիւնը, երբ ամէն մի չափահաս քաղաքացի, առանց սեռի և դասակարգի խտրութեան իրաւունք է ունենում ընտրելու և ընտրուելու: Ամէն մի ազգի մէջ միշտ մեծամասնութիւնը կազմում է զրկուած բանւորն ու աղքատ գիւղացին: Եթէ ընտրութեան իրաւունքը ԸՆԴՅԱՆՈՒՐ է, այսինքն իւրաքանչիւր չափահաս մարդ իրաւունք ունի ընտրելու և ընտրուելու, այն ժամանակ թէ բանւորն և թէ գիւղացին հնարաւորութիւն կունենան իրենց ձայնը լրսելի դարձնելու ամէնքին. իսկ երբ ընտրողական իրաւունքը վերապահուի միայն երջանիկներին կամ մի երկու դասակարգի և ձայնի իրաւունք ունենան միայն նրանք որոնք հարուստ են, կալուածատէր են և կամ կրթական ցէնզ ունին, շատ բնական է, որ բանւորի և գիւղացու ձայնը կրկնեղուի:

Ընտրողական իրաւունքի միւս ձևն է ՀԱԻԱՍՍԱՐ կոչուածը. այսինքն թէ ամէն մի ընտրող, ինչ դասակարգից էլ որ լինի, անպատճառ ունի մի ձայնի իրաւունք. եթէ օրինակ կալուածատէրը կամ գործարանատէրը կամ ցէնզաւորը,

մի խօսքով արտօնեալները երկու կամ աւելի ձայնի իրաւունք ունենան, կարող են միշտ էլ անց կացնել իրենց պատգամաւորներին, ինչպէս Բէլգիայումն է, ուր մինչև այժմ էլ գիւղացիութիւնն ու բանւորութիւնը դասակարգային կռիւ են մղում ՀԱԻԱՍՍԱՐ ընտրողական իրաւունքի համար. մի մարդ — մի ձայն. ահա ճնշուած և զրկուած ժողովրդի արդարացի պահանջը:

Ընտրողական իրաւունքի երրորդ ձևն է ՈՒՂՂԱԿԻ կամ ԱՆՄԻՋԱԿԱՆ կոչուածը. ուրիշ խօսքով, երբ ժողովուրդը ինքն է անմիջապէս ընտրում իւր պատգամաւորներին. որն անշուշտ աւելի լաւ է քան երկաստիճան կոչուածը. որովհետև առաջին դէպքում ժողովուրդը ինքն է ձայն տալիս իւր ընտրեալին, իսկ երկրորդ դէպքում ժողովրդից ընտրուած ներկայացուցիչներն են ընտրում պատգամաւորներ, որոնք և չաճախ կարող են ձայն տալ այնպիսիներին, որոնց ժողովուրդը երբէք չէր ընտրի որպէս պատգամաւոր: Ընդհանրապէս ամէնքի թէ քաղաքացու, թէ բանւորի, թէ գիւղացու համար լաւ է, որ ընտրութիւնները լինին ՈՒՂՂԱԿԻ, որպէս զի կարելի լինի (թէև ոչ ամէն դէպքում) ցանկացած մարդուն ձայն տալ:

Ընտրողական իրաւունքի վերջին ձևն է ԳԱՂՏՆԻՆ. այսինքն թէ ոչ ոք չպէտք է իմանայ թէ ով է ում ձայն տալիս, որպէս զի ընտրողը միանգամայն ազատ լինի արտաքին ճնշումներից:

Աւելորդ չէ լիշատակել, որ ընտրութիւններն առհասարակ պէտքէ նշանակել կիւրակի կամ տօն օրերը, երբ ամէնքն ազատ են սովորական աշխատանքից և կարող են մասնակցել ժողովներին. որ պէս զի պատգամաւոր կարողանայ ընտրուել հասարակ, բայց գործին ծանօթ — բանիմաց գիւղացին և բանւորը, պէտք է որոշ ռոճիկ նշանակել ժողովրդական պատգամաւորներին. նախ որպէս զինա չգրկուի իւր սովորական աշխատանքից և երկրորդը՝ կարողանայ հանգիստ սրտով նուիրուել պատգամաւորական պարտականութիւններին: Բայց այս գեռ բոլորը չէ. մնում է ամէնագլխաւոր և ամէնանշանաւոր հարցը. ո՞ւմ ընտրել պատգամաւոր և ինչպիսի հրահանգ տալ: Բաւական չէ որ ունենանք ընտրողական իրաւունք, այլ և պէտքէ կարողանանք օգտուել նրանից:

Ժողովուրդը կարող է օգտուել ընտրողական իրաւունքից այն ժամանկ, երբ նա ընտրէ այնպիսի մարդկանց, որոնք քաջապէս գիտեն, թէ ինչպիսի կարգեր և օրէնքներ են պէտք, որ ժողովրդի մէջքի վրայի բեռը, նրա ուսերի վրայ ծանրացած լուծը, մի խօսքով նրա դժոխային կեանքը մի քիչ թեթեւանայ և տանելի դառնայ: Այն ժողովուրդը, հասարակութիւնը կամ ազգը կարող է բարելաւել իւր կեանքը, որն ունի իւր մէջ գիտակցող, ժողովրդի, իւր ազգի և առհասարակ ճնշուած դասակարգի շահերը հասկացող

մարդիկ, որոնք և կարող են իրենց պատգամաւորներին տալ ճիշտ և ուղիղ հրահանգներ յօգուտ ժողովրդի և ազգի ճնշուած ու զրկուած դասակարգի. հետեւաբար ամէն մի քաղաքացի պէտք է աշխատի նախօրօք պարզել այս և նման տեսակի հարցեր, որոնք անհրաժեշտ են ինչպէս ժողովրդի, այնպէս և ամէնքի բարօրութեան համար: Անշուշտ շատ շատերը կ'դժուարանան մէնակ վրձուել. ուստի անհրաժեշտ է վաղօրօք նախապատրաստական ժողովներում խորհրդակցել ուրիշների կամ ընկերների հետ, այն էլ ոչ թէ մի կամ երկու անգամ, այլ որքան հարկաւոր կլինի կամ ժամանակ կ'պահանջուի այդ հարցը բազմակողմանի ձևով ուսումնասիրելու և պարզելու. ցանկալի և անհրաժեշտ է, որ այդ և նման տեսակի հարցերը քննուին ոչ միայն ժողովներում — բանաւոր, այլ և գրաւոր — լրագիրներում և նոյն իսկ առանձին գրքոյկներով. մի խօսքով անհրաժեշտ է ամէնաընդարձակ և ամէնալայն չափով մտքերի ազատ փոխանակութիւն: Թէև մտքերի ազատ փոխանակութիւնը, ազատ ժողովները մեզանում դեռ չեն սրբազործուած և մենք դեռ հնարաւորութիւն չունենք ազատ խօսելու, գրելու, ժողովներ անելու, բայց և այնպէս ով սիրում է և որի հօգուտն ու սրտին մօտիկ է իւր և իւր հայրենիքի շահը, մարդկային կեանքի յառաջադիմութիւնը, ճշմարիտ բարգաւաճումը և զարգացումը, կամայ ակամայ ժամանակաւորա-

պէս օգտուում է եղածից հաշտուելով փոքրագոյն չարիքի հետ:

Մտքերի ազատ փոխանակութիւնը անհրաժեշտ է, որպէս զի անհատական կարծիքները հրապարակ զան և որքան կարելի է զտուել, պարզուել ժողովներում արծարծուած հարցը. ճշմարիտ է այստեղ էլ առաջ կ'գան շատ դժուարութիւններ, որովհետեւ մի քանիսը պիտի հասկանան այսպէս, մի քանիսն այնպէս և նոյն իսկ երբեմն կարծիքներն այնքան տարբեր, որ այլևս շատ շատերի համար անտանելի կ'լինի խօսակցութիւնը կամ մտքերի փոխանակութիւնը շարունակել: Ի հարկէ չկայ երկիր կամ տեղ, ուր ամէնք էլ միատեսակ մտածեն. մի տան մէջ հայր, մայր, որդի նոյն իսկ յաճախ տարբեր մտածողութիւն և հասկացողութիւն են ունենում այս կամ այն խնդրի նկատմամբ: Այս ընդունելով հանդերձ, որպէս զի ժողովներում շատ շփոթութեանց և դժուարութեանց չ'հանդիպենք, հարկաւոր և անհրաժեշտ է օր առաջ մի քաղաքում, գիւղում, շրջանում, գործարանում եղող միանման մտածողները կամ միեւնոյն համոզմունքների և ցանկութիւնների տէր մարդիկ միանան և կազմեն մի ՄիՈՒԹԻԻՆ և առանձնապէս խորհրդակցեն, թէ ինչ պէտք է անեն և ինչ պիտի պաշտպանեն իրենց պատգամաւորները համաժողովներում. և այսպէս ամէն մի ընտրողական շրջանում միեւնոյն հայեացքների

տէր մարդիկ պէտք է խմբուեն, մի համերաշխութեան զան և այս շրջանային միութիւնները ամէնքը միասին կազմեն մի աւելի մեծ մարմին, որպէս զի հեշտ լինի միօրինակ մտածողների ամբողջ ընկերութեան կողմից թեկնածուներ ընտրել և դիւրութեամբ այդ ընտրեալների թեկնածութիւնն անցկացնել ժողովներում ձայների մեծամասնութեամբ:

Այս ձևով կազմուած միութիւններն ահա իրենց առանձին ծրագիրներով և թեկնածուներով ընտրութիւններին կարող են մասնակցել և որ ընկերութեան թեկնածուներն աւելի ձայն ստացան, նրանք էլ ընտրուած կ'համարուեն:

Չանազան շրջանների կամ նոյն իսկ զանազան քաղաքների միութիւններն ունենալով միեւնոյն ուղղութիւնն ու ծրագիրը, գործը հեշտացնելու համար պէտք է միանան և կազմեն այսպէս կոչուած ՄիՈՒԹԻԻՆ ՄիՈՒԹԵԱՆՅ (СОЮЗЪ СОЮЗОВЪ)— իրենց երկրի մէջ միեւնոյն կամ նման ուղղութեան հետևող մարդկանց համար:

Այս միութիւնները կամ կազմակերպութիւններն են որ կոչուում են կուսակցութիւններ իրենց առանձին ծրագիրներով:

Այսպիսի կուսակցութիւններ ամէն երկրում կարող են լինել՝ երկուս, երեք և աւելի:

Լուսաւորեալ երկրներում (Եւրոպայում) դրանք կազմակերպուում և դառնում են ժողովրդա-

կան կամ հասարակական գործօններ, ունենալով իրենց յատուկ կանոնադրութիւնը, կասսան, ժողովարանը, դպրոցները, մատենադարանները, օրաթերթերը, արհեստանոցները մի խօսքով իրենց ներքին անկախ ազատ կառավարութիւնը... այս կուսակցութիւններն աշխատում են ոչ միայն ժողովրդից ընտրուած ներկայացուցիչների ընդհանուր օրէնսդիր համաժողովներում կամ պարլամենտներում ունենալ իրենց ներկայացուցիչները, այլ և զանազան միջոցներով հնարաւոր եղածին չափ ընդհանրացնում կամ ժողովրդականացնում են իրենց ծրագիրները, ամէն տեղ և ամէն քաջլափոխում պահպանելով իրենց անդամների շահերը: Եթէ ընտրութիւնները կատարւում են այնպիսի երկրում, ուր գոյութիւն ունեն մի քանի կազմակերպուած կուսակցութիւններ, այդ ընտրութիւններն աւելի արդարացի կլինին, եթէ ի նկատի առնուի հեռեւեալ կարևոր հանգամանքը. բացառենք օրինակով. ենթադրենք մի որ և իցէ երկրում ընտրողների թիւը հասնում է 700,000 ի, 400,000-ը ենթադրենք պատկանում է մի որոշ կուսակցութեան. 200,000-ը մի ուրիշ. իսկ 100,000 $\frac{1}{3}$ կուսակցութեան. եթէ 100,000 հոգուց որոշուած է ընտրել մի պատգամաւոր, այդ երկրից ուրեմն պիտի ընդրուին 7 հոգի. այսպիսով եթէ ընտրութիւնները կատարուին մի ընդհանուր ժողովով, ուր պէտք է ներկայ լինին ամէնքը, ձայ-

ների քիչ առաւելութեամբ պատգամաւորներ կընտրուին միայն մի կուսակցութեան թեկնածուներ, որովհետև մեծամասնութիւնն այդ կուսակցութեան կողմն է. այդ ձևի ընտրութիւնը ուղիղ և արդարացի չէ:

Եթէ որոշուում է որ 100,000 քաղաքացին մի պատգամաւոր տայ—այն ժամանակ յանուն արդարութեան 400,000 հոգուց բաղկացած կուսակցութիւնը պէտք է տայ չորս պատգամաւոր— 200,000-ը— 2 պատգամաւոր, իսկ 100,000-ը— մի պատգամաւոր— որոնց ընդհանուր թիւը դարձեալ կլինի եօթը և որ գլխաւորն է բոլոր կուսակցութիւններն է իրենց կուսակիցների աւելի կամ պակաս համեմատական չափով պատգամաւորներ կուսենան և համաժողովներում իրենց թուի համապատասխան էլ ձայն... հետևաբար անհրաժեշտ է, որ կուսակցութիւնները, որքան էլ որ շատ կամ քիչ լինեն նոքա, ընդրութիւնների ժամանակ ի նկատի ունենան ամէն մի կուսակցութեան անդամների կամ հետևողների թուի համեմատական չափը— եթէ ի հարկէ ուզում են, որ համաժողովներում հնչուի ժողովրդի ձայնը և ընտրեալները լինեն ժողովրդի ընդրեալներ. նրանք ովքեր ի սրտէ կամենում են որ ըստ կարելոյն ժողովրդական համագումարը լինի ամբողջ ժողովրդի կամքի և ցանկութեան արտայայտութիւն և անպատճառ վայելի համայն ժողովրդի համակրութիւնը,

պահանջում են ոչ միայն ԸՆԴՀԱՆՈՒՐ, ՀԱԻՍՍԱՐ, ՌԻՂԻՂ և ԳՍՂՏՆԻ ընտրողական իրաւունք, այլ և վերջիշեալ համեմատական չափը, ինչպէս Դանիայում, Բէլգիայում, Սերբիայում, Շվեյցարիայում և այլն:

Ծանօթութիւն. Ժողովրդական ներկայացուցչական ընտրութիւնների մասին աւելի ծանօթութիւն ձեռք բերել ցանկացողները կարող են օգտուել հետևեալ գրքոյկներից. 1) В. В. Водозовъ. Всеобщее избирательное право [թարգ. Միքայէլեանի. 2) Карлъ Каутскій. Развитие формъ государства. 3) Лассаль. Сущность конституціи. 4) С. Г. Сватиховъ. Созывъ народныхъ представителей. 5) Ф. Мускатблитъ. Народное представительство. 6) Г. Новоторжскій. Что такое правовое государство. 7) І. Я. Избирательное право և այլն:



ՀԱՅԿԱՍՏԱՆԻ ԿՈՄՍՅՈՒՆԱՐԻ ԿՈՆՍՏԻԹՄԵՆՏԻ
ԿՈՆՍՏԻԹՄԵՆՏԻ ԿՈՆՍՏԻԹՄԵՆՏԻ
ԿՈՆՍՏԻԹՄԵՆՏԻ ԿՈՆՍՏԻԹՄԵՆՏԻ
ԿՈՆՍՏԻԹՄԵՆՏԻ ԿՈՆՍՏԻԹՄԵՆՏԻ

ՀԱՅԿԱՍՏԱՆԻ ԿՈՄՍՅՈՒՆԱՐԻ ԿՈՆՍՏԻԹՄԵՆՏԻ
ԿՈՆՍՏԻԹՄԵՆՏԻ ԿՈՆՍՏԻԹՄԵՆՏԻ
ԿՈՆՍՏԻԹՄԵՆՏԻ ԿՈՆՍՏԻԹՄԵՆՏԻ
ԿՈՆՍՏԻԹՄԵՆՏԻ ԿՈՆՍՏԻԹՄԵՆՏԻ



« Ազգային գրադարան »



NL0207766

34.503

ԳԻՆՆ Է 10 ԿՈՊ.